

欽定大清會典事例

欽定大清會典事例卷四百五十三

禮部

羣祀 功臣專祠 直省功臣專祠 一

功臣專祠○順治十一年

諭定南武壯王孔有德在瀋陽時率衆航海來歸屢建功績迨朕平定天下有德勦巨寇靖南服閼闊廣西勦勞懋著不意桂林之役衆寡不敵精忠自矢竟以身殉義烈允彰稽考舊典有立祠致祭之例爾部詳察具奏欽此復

命以二妃陪祀遵

旨建祠於廣甯門外。歲以春秋仲月致祭定南王謚武壯孔有德並妃白氏李氏每祭用帛三羊一豕一果品五盤尊一爵九〇康熙十八年

諭自古帝王敦重倫常篤念勳舊必有褒嘉之典以示推恩孝昭皇后德著椒宮母儀天下懿範如在每切追思其父遏必隆著纓世裔宣力累朝忠殫謀猷功在弼亮况篤生賢淑佐理宮闈宜加表揚垂諸久遠已敕所司特為建立祠堂其妻縣主夙茂溫恭克昭家訓宜並祔饗朕親製碑文勒之貞珉告成之日應賜諭祭欽此

旨建祠於安定門外。歲以春秋仲月致祭。一等公謚恪
僖。遇必隆。並縣主一品夫人舒舒覺羅氏。每祭
用帛二羊。一豕。一果品五盤。尊一爵。六○雍正

元年。

敕建勤襄公祠於朝陽門外。歲以春秋仲月致祭。太師
定南將軍一等公謚勤襄。終國賴。並一品夫人
覺羅氏。次太傅安北將軍內大臣都統一等公
謚忠勇。終國綱。並一品夫人他塔喇氏。溫都氏。
次太傅領侍衛內大臣一等公謚端純。終國繩。
並一品夫人赫舍里氏。每祭用帛七羊三豕三。

果品十有五盤。尊三爵二十有一○。又

敕建文襄公祠於德勝門外。歲以春秋仲月致祭少保
兼太子太傅一等公中和殿大學士謚文襄國
海並一品夫人覺爾禪氏鈕祜祿氏每祭用帛
三羊一豕一果品五盤。尊一爵九○乾隆二年。

敕建宏毅公祠於安定門外。歲以春秋仲月致祭光祿
大夫宏毅公額亦都每祭用帛一羊一豕一果
品五盤。尊一爵三○十四年

諭人子報本之忱必念爾祖國家酬庸之典爰及所生。
大學士公傳恆夙夜宣猷贊襄機務前因金川番蠻

不靖。丹誠奮發。自請督師。維時朕以其世篤忠貞。服勞王家。鍾慶椒塗。聯輝懿戚。悉由乃祖乃父積厚流光。誕茲良弼。陞辭之際。朕欲加恩。賜立祠堂。秩於祀典。大學士公傳恆奏稱。臣仰蒙高厚。榮責先人。實出至願。如果憑仗天威。肅清荒徼。凱旋之日。擬當懇請殊恩。今威信遠孚。番酋效順。膚功克奏。美著旂常。宜考懿章。以示優錫。其照勳臣額亦都佟國維之例。敕建宗祠。春秋致祭。增光俎豆。用獎忠勳。欽此。遵

旨。建祠於東安門內。歲以春秋仲月致祭。太子太保內大臣議政大臣總管內務府大臣一等男兼一

雲騎尉追封一等承恩公謚恪僖哈世屯並一
品夫人覺羅氏。次戶部尚書總管內務府大臣
一等男兼一雲騎尉追封一等承恩公謚敏果
米思翰並一品夫人穆溪覺羅氏。博爾濟吉特
氏。次一等男兼一雲騎尉兼察哈爾總管追贈
一等承恩公謚莊憲李榮保並一品夫人覺羅
氏。每祭用帛七羊三豕三果品十有五盤。尊三。
爵二十有一〇十六年

諭。前駐藏都統傅清。左都御史拉布敦。因珠爾默特那
木札勒。逆謀顯著。先事翦除。奮不顧身。忠誠卓越。俱

已加恩贈卹入賢良祠昭忠祠祀典傳清並入伊家祠從祀不知者或訾二人冒險邀功且議朕為酬庸過厚也今據駐藏策楞班第等奏珠爾默特那木札勒自立名號潛遣其心腹堅參札錫等通款準噶爾稱策旺多爾濟那木札勒為汗且求其發兵至拉達克地方以為聲援幸值準夷內潰所遣使人回藏被獲得其逆書並饋獻諸物是其陰蓄異志向結準夷罪不容誅設非二臣協力同心決計先發則其貽害藏地將不可言是二臣之心甚苦而有功於國家甚大應特建雙忠祠合祀二人春秋致祭不昭勸忠令

典傳清既有專祠著不必從祀家廟該部會同內務府查撥官房營度以聞欽此遵

旨建雙忠祠於崇文門內合祀都統一等伯謚襄烈傅

清左都御史一等伯謚壯果拉布敦照例安設牌位春秋致祭每祭用帛二羊豕一果品五盤尊一爵六○三十三年

諭將軍公明瑞夙秉忠誠歷著勳績昨命統兵進剿緬匪明瑞身先士卒屢挫賊鋒乃以懸軍深入而額勒登額等有心逗遛後援不繼因於猛腊地方保護諸軍身留殿後衝冒矢石以致受傷身殞已降旨加恩

優卹並入祀昭忠祠以酬忠蓋從前駐藏大臣傅清
拉布敦鋤凶死事曾敕建雙忠祠秩在祀典茲明瑞
勤事捐軀義烈尤堪嘉尚著循前例於京師特建專
祠舉行歲祀其先後陣亡之都統札拉豐阿護軍統
領觀音保總兵李全王玉廷均入祠從祀用慰忠魂
所有應錫祠名及建祠事宜各該衙門察例具奏欽
此

旨建旌勇祠於地安門外祀誠嘉毅勇公諡果烈明瑞
配祀都統諡昭節札拉豐阿護軍統領觀音保
總兵李全王玉廷每歲春秋仲月諏吉致祭○

三十四年

諭大學士傅恆等奏。總兵德福。攻打賊寨。勇往爭先。受傷陣亡等語。德福身先士卒。奮勉捐軀。深為軫恤。著入祀旌勇祠。欽此。遵。

旨議定。旌勇祠設三案。每祭用素帛六羊一豕一果品十有五盤。尊二爵十有八。○三十五年領侍衛內大臣諡恭敬音德。戶部尚書累毅公諡襄壯。阿里衮達。

旨從祀。安定門外格僖公。通必隆祠內。其音德夫人董氏。阿里衮夫人瓜爾佳氏。照例祔祀。每祭用帛。

四羊二豕二果品十盤尊二爵十有二。又太保大學士忠勇公謚文忠傅恆。遵

旨從祀東安門內恪僖公哈世屯祠內以夫人那拉氏
祔祀每祭用帛二羊一豕一果品五盤尊一爵

六〇四十二年

諭前以大學士忠勇公傅恆體國公忠鞠躬盡瘁尚書
果毅公阿里袞宣力殫忱克彰勞勸俱令其入祀宗
祠所有春秋二次祭文自應將諭旨敘及以昭酬獎
忠勳至意著交翰林院添敘撰擬具奏。四十三年
諭睿親王多爾袞當閑園時首先統衆入闕埽蕩賊氛。

肅清宮禁。分遣諸王追殲流寇。撫定疆陲。一切創制
規模皆所經畫。尋即奉迎。

世祖車駕入都。定國開基。以成一統之業。厥功最著。顧
以攝政有年。威福不無專擅。諸王大臣未免畏而忌
之。遂致歿後為蘇克薩哈等所構。授款於其屬人首
告。誣以謀逆。經諸王定罪除封。其時我

世祖章皇帝實尚在沖齡。未嘗親政也。夫睿王果萌異
志。則方兵權在握。何事不可為。且吳三桂之所迎。勝
國舊臣之所奉。止知有攝政王耳。其勢更無難號召。
即我滿洲大臣心存忠篤者。自必不肯順從。然彼誠

圖為不軌無難陰鋤異志以逞逆謀乃不於彼時因利乘便直至身後以斂服借用明黃龍袞指為覲覩之證有是理乎况英親王阿濟格其同母兄也於追捕流賊回京時謊報李自成身死且不候

旨班師睿王即遣員斥責其非免王公等往迎之禮又因阿濟格出征時脅令巡撫李鑑釋免逮問道員及擅至鄂爾多斯土默特取馬會議其罪降為郡王平日辦理政務秉公持正若此是果有叛志乎無叛志乎又

實錄載睿王集諸王貝勒貝子公大臣等遣人傳語曰

今觀諸王貝勒大臣等。但知詔媚於予。未見有尊崇
皇上者。予豈能容此。昔

太宗升遐。嗣君未立。英王豫王跪請予即尊位。予曰若
必如此言。予即當自刎。誓死不從。遂奉

皇上繼承大統。似此危疑之日。以予為君。予尚不可。今
乃不敬。

皇上而媚予。予何能容。自今以後。有盡忠
皇上者。予用之愛之。其不盡忠不敬事
皇上者。雖媚予。予不爾宥也。且云

太宗恩育予躬。所以特異於諸子弟者。蓋深信諸子之

成立。惟予能成立之。每覽

實錄至此。未嘗不為之墮淚。則王之立心行事。實能篤忠盡感。

厚恩深明君臣大義。尤為史冊所罕覩。使王彼時如宋太宗之處心積慮。則豈肯復以死固辭。而不為邪說搖惑也。乃王之身後。久抱不白之冤於泉壤。心甚憫焉。假令王之逆迹。稍有左驗。削除之罪。果出於我。

世祖聖裁。朕亦寧敢復翻成案。乃實由宵小姦謀。構成冤獄。而王之政績載在

實錄者。皆有大功而無叛逆之迹。豈可不為之昭雪乎。

昨於乾隆三十八年。因其墮域久荒。特飭量為籌葺。
並准其近支祭埽。然以王之生平盡心王室。尚不足
以慰彼成勞。朕以為應加恩復還睿親王封號。追謚
曰忠補入。

玉牒並令補繼襲封。照親王固寢制度。修其墮墓。仍令
太常寺春秋致祭。其原傳有未曾詳敍者。並交國史
館恭照。

實錄所載。敬謹輯錄增補宗室王公續傳。用昭彰閭宗
勸至意。欽此遵。

旨建祠於朝陽門外。歲以春秋仲月致祭睿忠親王多

爾袞並福晉科爾沁博爾濟吉特氏。佟佳氏。札爾莽博爾濟吉特氏。科爾沁博爾濟吉特氏。科爾沁博爾濟吉特氏。朝鮮李氏。每祭用帛七羊。一豕一果實五盤。尊一爵二十有一。嘉慶元年欽奉。

高宗純皇帝敕諭。大學士貝子福康安秉性公忠才猷敏練。數歷中外。懋著殊勳。年當弱冠。即出師金川。著有勞績。曾賞給巴圖魯名號。特封男爵。嗣又平定石峯堡臺灣麻爾喀等處。宣勞邊徼。屢奏膚功。復節次晉封至一等忠銳嘉勇公。簡直綸扉贊襄機務。且歷

任封圻以來。善辦地方事務。無不悉心整頓。經理得
宜。此次督勦苗匪。涉歷險阻。不辭勞瘁。親帶官兵。所
向克捷。上年特降恩旨。賞戴三眼花翎。晉封貝子爵
銜。仍帶榮賞四字佳號。福康安年力富強。正資倚此。
乃當大功垂成之際。積勞成疾。遽爾溘逝。實深震悼。
著晉贈郡王職銜。仍著於伊家宗祠之旁。官為相度。
地基建蓋專祠。以時致祭。用妥忠魂。欽此遵。

旨建獎忠祠於東安門外。祀郡王銜大學士諡文襄福
康安。歲以春秋仲月諏吉致祭。用素帛一羊一
豕。一果實五盤。尊一爵三。○七年奏准。各功臣

專祠致祭時。俱穿蟒袍補服行禮。○十年。

諭。御前大臣領侍衛內大臣都統三等公額勒登保。東志忠誠夙嫻韜略。從前朕在藩邸時。充諳達有年。小心勤愬。曾出師緬甸金川石峯堡臺灣廓爾喀等處。久經行陣。累立戰功。嗣又平定苗疆。蒙

高宗純皇帝錫封侯爵。旋因教匪滋事。簡畀戎行。始以遲緩獲愆。終能奮勇克捷。自朕授為經略大臣。實力督師。衝冒雪霜。屢闖寒暑。身經百戰。艱險備嘗。將數萬光渠。埽除淨盡。三省地方。咸臻安輯。實能為國宣勞。且其宅心公正。力矢清操。中外滿漢臣工。及外藩

蒙古等。即素不相識者。亦人無閒言。尤為不可多得。
是以特加恩獎。仍錫通侯。授以御前大臣。晉加宮保。
並賜雙眼花翎紫纓。用昭殊錫。此次感患病證。即因
積勞所致。月前啟蹕時。伊正當乞假。不克扈從前來。
朕懷日切繫廑。屢命留京辦事王大臣等往看病狀。
諭令安心調養。並親解佩囊。寄京賞給。昨謁

陵禮成。特晉封為三等公。復命乾清門侍衛慶惠馳往
看視。賚賜荷囊玉牒鹿雉等物。方冀日漸痊愈。長被
恩光。今據留京王大臣馳奏。額勒登保溘逝。披覽遺
章。實深震悼。念其一生忠益。不禁涕泗交集。尤宜寵

錫飾終。以示酬庸。朕於回鑾後。親臨祭奠。並著慶恩
到京後。將朕賚賜物件。陳之幕前。烹餌賜解。並加恩
建立專祠。歲時賜祭。著祿康於地安門外相度地基。
動用官項。營建祠宇。所有工程。即著祿康督率辦理。
欽此。遵

旨建襄忠祠於地安門外。歲以春秋仲月諏吉致祭。用
素帛一。羊一。豕一。果實五盤。尊一。爵三。○光緒
十五年。欽奉

慈禧端佑康頤昭豫莊誠皇太后懿旨。科爾沁博多勒
噶台親王僧格林沁。於咸豐同治年間。疊平寇亂。功

在旂常。前經從優賜卹。並圖形紫光閣。配饗太廟。該親王身後榮名。已足昭垂千古。現在歸政屆期。追念前勳。允宜特沛殊恩。以示優異。僧格林沁著於京師建立專祠。春秋致祭。欽此。遵。

旨建顯忠祠於安定門內寬街。每祭用帛一。羊一。豕一。果品五盤。尊一爵三。

直省功臣專祠。○順治十四年。

敕建忠節祠於湖廣。祀湖廣辰常鎮總兵官左都督徐勇。○康熙二十一年。

敕建雙忠祠於廣西。祀廣西巡撫馬雄鎮。撫蠻滅寇將

軍廣西巡撫傅宏烈。三十四年。

敕建浙閩總督贈太子少保諡忠貞范承謨祠福建巡

海道贈工部侍郎諡忠義陳啟泰祠於福建○

三十五年

敕建福甯鎮總兵官吳萬福福州府知府王之儀邵武
府知府張瑞江西建昌府知府高天爵建甯府
同知喻三景邵武府同知高舉侯官縣知縣劉
嘉齡龍溪縣知縣李塤福州城守營千總廖有
功祠於福建○四十七年。

命以嵇永仁王龍光沈天成范承謨入祀福建范承謨

祠。五十七年。

敕建雲貴總督甘文焜祠於雲南山西汾州府知府黃廷柏祠於山西○雍正七年。

敕建河道總督太子太保世襲拜他喇布勒哈番謚文襄靳輔祠於清江浦○又河道總督太子太傅世襲阿達哈哈番謚勤恪齊蘇勒奉

旨與靳輔建祠於清江並祀○九年。

敕建忠勇祠於蘭州以祀西征陣亡將士。

諭朕命以酒三爵。追酌陣亡將士。鄂善將酒齎往軍營。凡陣亡將士。每名以羊一隻奠祭。宣朕憫惻傷悼至

意。○十年

諭。田文鏡在豫年久化導民俗積貯倉糧豫民深蒙其福。著於開封府城內建立專祠。春秋展祀。○十二年。敕建怡賢親王祠於。

盛京外攘門外街北。○又奉

旨。靳輔祠內以僉事陳潢配饗。○乾隆四年。諭。故大學士嵇曾筠前任江南河道總督。悉心籌畫。殫力宣防。壹蒙

皇考褒嘉。至今河渠受益。從前河工靳輔齊蘇勒俱建祠永祀。而嵇曾筠勞績實可媲美兩人。著照靳輔齊

蘇勒例一體祠祀以示優獎以慰輿情○十六年。

敕建傅清拉布敦祠於西藏通司崗○十九年

諭朕由吉林至盛京周覽山川形勝敬稽

實錄所載仰見

列祖締造艱難維時宗室諸王克奮忠勤功成百戰開國翊運之勳彪炳簡冊深切景念思盛京為龍興重地國初諸王功烈懋著如此並宜建祠以酬舊勳而示來許此地現有怡賢親王祠應將

太廟配饗之通達郡王武功郡王慧哲郡王宣獻郡王及禮烈親王鏡餘親王鄭獻親王穎毅親王一併崇

祀即命曰賢王。祿令所司春秋致祭。應行典禮。該部詳議以聞。祠內。

世宗憲皇帝碑亭可移於正中。鐫勒此旨。永昭我朝功宗元祀之鉅典。○二十二年

諭原任大學士內大臣高斌。前任江南總督時頗著勞績。即如毛城鋪所以分泄黃流。高斌設立徐州水誌。至七尺方闊。後人不用其法。遂致黃弱沙淤。隱貽河患。其於黃河兩岸。淤刷支河。每歲冬季。必督率廳汛。實力填築。近年司工疏忽。因有孫家集奪溜之事。至三滾墉洩洪湖盛漲。高斌堅持堵閉。是以數年之閒。

下游州縣屢獲豐收。其功在生民。自不可泯。至於癸酉張家馬路及運河二牘之決。則又其果於自信。抑且年邁志滿之失。朕不得不治其罪。而要其瑕瑜自不相掩。在本朝河臣中即不能如靳輔而較齊蘇勒嵇曾筠。朕以為有過之無不及也。茲者翠華南蒞。追溯前勞。特沛恩綸。用孚公論。可與靳輔齊蘇勒嵇曾筠一併祠祀。以昭國家念舊酬庸之典。且亦使後來之司河務者知所激勸也。該部其遵諭行。○三十一年奏准。建將軍誠勇公班第參贊大臣襄勤伯鄂容安祠於伊犁。○四十三年議准。睿忠親王

豫通親王武肅親王克勤郡王俱入祀

盛京賢王祠。○五十四年。安南國王奏准。建提督

許世亨總兵官張朝龍。尚維昇祠於安南。○嘉

慶七年。

敕建副將韓自昌韓加善雙烈祠於甘肅武威縣。○十

三年。

敕建浙江提督贈伯爵李長庚祠於福建同安縣。○十

四年。

敕建川陝楚三省參贊德楞泰祠於四川省城。○十九

年。

敕建河南滑縣知縣諡忠烈強克捷祠於陝西韓城縣。

○道光三年。

敕建河南沈邱縣槐店分防縣丞王慶瀾祠於河南。

四年奏准捐建南河總督諡襄勤黎世序祠於

江南。

○十年。
諭喀什噶爾死事諸大臣將士現經伊薩克捐資興建。
足垂久遠著賜名彰忠祠。○十三年。

敕建福建臺灣縣丞諡義烈方振聲署守備諡剛烈馬

步衝把總諡勇烈陳玉威祠於斗六門。○十五

年。

敕建山西趙城縣知縣謚昭節楊延亮祠於縣城。二
十一年。

敕建廣東水師提督謚忠節關天培署遊擊麥廷章湖
南鎮筰鎮總兵官祥福遊擊沈占鷺守備洪達
科祠於虎門。○又

敕建兩江總督謚靖節裕謙祠於浙江鎮海縣。○又
敕建浙江定海鎮總兵官葛雲飛處州鎮總兵官鄭國
鴻江南壽春鎮總兵官王錫朋祠於定海。○又
奏准葛雲飛鄭國鴻王錫朋俱於本籍建祠。○

又

諭廣東副將陳連陞父子同時盡節忠孝兼全。勇烈尤
嘉。著准其在陣亡處所建立專祠。○二十二年。

敕建京口副都統諡昭節海齡祠於京口。○又議准江
蘇睢寧縣明臣周遇吉祠春秋致祭。○又

敕建江南提督諡忠愍陳化成祠於寶山縣及其本籍。

○咸豐元年。

敕建廣西龍門司巡檢馮元吉祠於廣西及其本籍。○

二年

諭直隸天津鎮總兵長瑞。甘肅涼州鎮總兵長壽。先後
派往廣西勦辦逆匪。同時遇害。實堪憫惄。著俟軍務

告竣。即於盡節地方建立專祠。○又奏准。捐建陝西
巡撫謚文忠林則徐祠於西安。○又議准。建雲
貴總督林則徐祠於蘇州。○又議准。廣西平樂
協副將阿爾精阿。永安州知州吳江學正丁履
吉。吏目宋光烈。龍州同知王淑元。署隆安縣知
縣高延祉。各於廣西殉難地方及各本籍建立
專祠。○又

敕建廣西全州知州曹燮培。前知州瑞麟。參將楊映河
等祠於州城。及各本籍。○又

敕建湖北蒲圻縣知縣周和祥祠於縣城。○三年。

敕建湖北巡撫謚文節常大鴻學政謚文介馮培元布
政使謚敏肅梁星源按察使謚端節瑞元漢黃
德道謚忠介王壽同鹽法道謚文直王東槐署
鹽法道林恩熙武昌府知府明善漢陽府知府
董振鐸武黃同知周祖衡署江夏縣知縣繡麟
等祠於湖北並署湖北提督謚武烈雙福八十
八員名等附祀○又

敕建江西吉安府知府王本梧祠於府城○又
敕建江西都陽縣知縣沈衍慶樂平縣知縣李仁元祠
於饒州府城李仁元並於樂平縣建祠○又

敕建候補通判章光熊前商邱縣知縣錢文偉知縣孫
惠霖前永城縣知縣呂贊揚及其子縣丞呂鍾
培前溫縣知縣錢世瑞通政司經歷陳勳祠於
河南○又議准建署直隸晉州知州楊雲鼇祠
於州城○又

敕建滄州城守尉諡武烈德威知州沈如潮祠於州城

○又

敕建安徽巡撫諡忠憲蔣文慶祠於省城○又

敕建直隸交河縣知縣孔慶鍾及其子舉人孔繁渥祠
於縣城○又

敕建蒙古副都統諡剛節佟鑑直隸天津縣知縣諡忠
愍謝子澄祠於天津。謝子澄並於本籍建祠。

四年。

敕建江西九江鎮總兵官諡襄愍馬濟美祠於江西。

又

敕建安徽繁昌縣知縣張廷槐祠於縣城。○又

敕建山東臨清州知州張積功遊擊王用安都司武殿
魁參將吉興都司希奎遊擊阿克東阿千總馬
詩臨清協副將慶順千總葛英輔路受若虎士
德把總郭玉良易寶林外委郭必仁田福馬起

發把總龐玉祠於州城○又

敕建安徽巡撫謚忠烈江忠源祠於廬州府○又
敕建山東同銜鍾繼昌祠於安徽舒城縣○又

國霖知縣楊鄭白署鉅野縣知縣朱運昌教諭
辛本純典史孫駿把總馬永隆外委傅君平署
陽穀縣知縣文穎教諭李文經典史徐鳳喈署
冠縣知縣傅士珍教諭顏懷蘭署訓導邢庚虜
典史翟濤署千總崔福貴等祠於山東各殉難
地方○又

敕建貴州普安縣知縣朱鑑祠於縣城。○又

敕建前工部員外郎馬元瑞並其子優貢生馬三俊等祠於安徽殉難地方。○又奏准捐建前山西曲沃縣知縣丁璜祠於縣城。○又

敕建署貴州安南縣知縣朱右賢祠於縣城。○五年

敕建保舉孝廉方正優貢生吳廷香祠於安徽廬江縣。

○又

敕建陝西鄜州營都司曹鵬彪把總胡廷瑞署把總趙璧外委韓愈淵王鵬揚已革遊擊高行之等祠於河南各陣亡地方。○又

敕建河南知縣孫惠霖祠於歸德府及其本籍○又

敕建江西上饒縣知縣蔡中和祠於廣信府城○又

敕建福建彰化縣知縣高鵬飛祠於臺灣縣城○又

敕建總兵官劉開泰江西義甯州知州葉濟菴直隸州

知州陽秉鏞署州同蔣啟華吏目王泰州都司

張全孝巡檢吳元理遊擊吳錫光等祠於義甯

州城○又奏准建福建汀漳龍道徐榮祠於漁

亭地方○又奏准捐建原任湖南提督諡忠武

塔齊布祠於湖南省城○又議准捐建安徽學

政諡文節孫銘恩祠於太平府及其本籍○又

議准捐建甘肅花馬池參將諡壯毅李成虎祠於安徽全椒縣襄河地方。○又議准捐建署山

東濟寧州知州陳應元祠於州城並其本籍。○

又奏准捐建河南桐柏縣知縣潘澍霖祠於縣

城。○六年議准捐建山西平陽府知府何維墀

臨汾縣知縣周春陽祠於府城。○又

敕建浙江甯紹台道諡忠節羅澤南祠於湖北江西各地方及其本籍並與浙江提督諡壯勇饒廷選合祠於廣信府城。○又

敕建安徽在籍知縣汪人廉等祠於巢南地方。○又

敕建江蘇巡撫諡勇烈吉爾杭阿祠於京口。隨同殉難之京口副都統諡勇節納蘭江甯府知府諡剛愍劉存厚均附祀。○又

敕建貴州知縣張禮度祠於貴州被害地方。○又

敕建直隸宣化鎮總兵官諡壯勇羅玉斌江蘇候補道諡壯勇溫紹原六合縣知縣李守誠祠於六合縣。○又

敕建江蘇按察使諡貞恪周玉衡等祠於江西吉南贛三府及其本籍。○又議准捐建江安督糧道諡忠節陳克讓祠於奉天本籍。○又

敕建湖北提督謚忠武向榮祠於江蘇各地方並與江

南提督謚忠武張國樑合祠於江甯省城○又

敕建河南夏邑縣知縣徐本立郭鳳恩祠於河南○七

年。

敕建福建延平府知府金萬清祠於府城及其本籍○

又奏准捐建湖北廣濟縣知縣陳肖儀祠於湖北及其本籍○又議准捐建廣西桂林府遺缺知府謚壯烈李圭文祠於順天府通州本籍○

又

敕建福建建安縣知縣何鎮之祠於縣城及其本籍○

又

敕建福建督糧道王訓署邵武府知府婁浩同知毛健
署邵武縣知縣孫翹淳署光澤縣知縣蔣仁瑞
祠於邵武府。及其本籍。○又奏准。捐建署安徽
廬鳳道謚剛愍金光節祠於壽州。○又議准。捐
建貴州都江通判沈世良祠於安順府。○又
敕建貴州安義鎮總兵官謚剛介王國才祠於湖北及
其本籍。○又

敕建直隸州知州謚武烈劉騰鴻祠於江西瑞州府。○
又議准。捐建貴州都勦府知府謚壯節鹿丕宗

祠於直隸定興縣本籍。○又

敕建道員謚壯武王鑫祠於江西。及其本籍。○又奏准

捐建河南南召縣典史陳福年祠於河南陣亡

地方。○又

敕建陝西試用知縣謚剛毅施作霖祠於武關。及其本

籍。○又

敕建福建建甯縣知縣楊士歲祠於縣城。及其本籍。

又

敕建雙忠祠於江南揚州府。祀肅州鎮總兵官謚忠毅

雙來鄖陽鎮總兵官謚威壯瞿騰龍。○又議准

捐建福建甌甯分防縣丞汪茹蓮祠於嵐下地
方。○又議准捐建福建武平縣知縣陳應奎祠
於縣城。○八年

敕建直隸通永鎮總兵官諡忠壯虎坤元祠於江蘇溧
水滸野寺及秣陵關殉難地方。○又

敕建河南密縣外委王青山祠於河南。○又

敕建雲南廣南府知府鄧國煊祠於蒙化廳。○又

敕建署河南淮甯縣知縣保濤祠於河南。○又議准捐
建署江蘇上海縣知縣袁祖惠祠於縣城。○又
命再於湖南湘鄉縣分建羅澤南王鑫劉騰鴻祠。○又

敕建福建崇安縣知縣莫自遠祠於縣城。及其本籍○

又奏准捐建前任廣西學政謚文節沈炳垣右江鎮總兵官謚壯烈蔣福長祠於省城○又

敕建河南同知馮景祠於歸德府城○又
敕建浙江布政使謚忠武李續賓祠於湖南湖北江西安徽各地方○又

敕建工部右侍郎謚文節呂賢基祠於安徽舒城縣○
九年奏准捐建江西宜黃縣知縣傅培峯祠於縣城○又奏准捐建河南同知署陳州府通判王可思祠於周家口○又奏准捐建河南南陽

鎮總兵官謚武烈邱聯恩祠於南陽及其本籍。
○又奏准捐建安徽盱眙縣知縣許垣典史周
來豫祠於縣城○又

敕建直隸提督謚忠壯史榮椿大沽協副將謚武愍龍
汝元祠於天津及各本籍○又

敕建福建尤溪縣知縣金琳銅山營守備鄭振纓祠於
福建○又奏准捐建廣東在籍郎中宋蔚謙祠

於花縣○又

敕建署廣東嘉應州事惠州府知府謚壯烈文歲祠於
州城並其本籍○又奏准捐建表忠祠於湖南

祀湖北鄖陽鎮總兵官諡威壯翟騰龍浙江提督諡忠武鄧紹良副將諡愍節周雲耀遊擊趙永年候補同知直隸州趙啟玉知府劉騰鴻劉騰鶴蓮同丁銳義訓導徐致躬從九品毛英勃都司武昌顧及該省陣亡員弁兵勇○十年

敕建江南提督諡忠武張國樑祠於江南及其本籍○

又

敕建署貴州遵義府知府江炳琳祠於府城及其本籍○又奏准捐建安徽潛山縣紳弁通判銜徐貴聲等祠於縣城○又奏准捐建湖南東安縣知

縣李右文祠於順天通州本籍。○又

敕建湖南提督諡忠壯周天受祠於甯國府及四川省城並於本籍建周天受祠於本籍建周天受三人專祠。○又奏准捐建浙江在籍兵部右侍郎諡文節戴熙祠於錢塘縣。○又

敕建道員諡壯節蕭翰慶祠於浙江殉難地方及其本籍。○又奏准捐建福建延建郡道諡果毅趙印川祠於建甯府。○又

敕建貴州副將諡剛介田興奇祠於貴州。○又

敕建湖北隨州知州楊嘉運祠於直隸。○又

敕建河南河北鎮總兵官謚忠武承惠候補知府謚忠

毅王榮烈知縣田玉梅祠於汝甯府及官莊地

方○又

敕建記名按察使謚壯果肅啟江祠於湖南江西及其

本籍○又

敕建直隸提督謚威毅樂善祠於大沽海口○又奏准

捐建雲南候補知府談樹琪祠於四川本籍○

又

敕建署貴州獨山州知州候補知府侯雲沂祠於州城

○又

敕建文生鮑雲鵬祠於安徽陣亡地方。○又奏准捐建

副將劉吉三祠於貴州。○十一年奏准捐建山

東鄆城縣知縣何允安祠於縣城。○又奏准捐

建開復副都統謚壯愍伊興額總兵官謚武烈

膝家勝祠於徐州汶上地方。伊興額並於宿州

永城。膝家勝並於泗州靈璧縣各建專祠。○又

敕建護雲南迤西道知府張同登祠於祿豐縣及其本

籍。○又

敕建二等侍衛一等昭勇侯謚威勇楊忻祠於四川崇

慶州。○又

敕建河南唐縣知縣彭必達祠於縣城。○又

敕建貴州大定協副將諡壯勇毛克寬遊擊諡武烈因
興勝祠於貴州及各本籍。○又

敕建貴州副將郭啟元祠於四川貴州邊界。○又

敕建安徽皖南鎮總兵官諡威肅陳大富祠於南陵。○

又奏准捐建署安徽泗州直隸州知州鄭沅祠
於州城。○又

敕建湖北巡撫諡文忠胡林翼祠於湖北省城及其本

籍。○又

敕建江南福山鎮總兵官諡果愍王之敬祠於太湖東

西兩山○又

敕建湖南道員謚貞介黃純熙祠於四川順慶府及二郎場○又

敕建署貴州桐梓縣知縣陳世鋗祠於縣城及其本籍○又議准捐建署貴州興義縣知縣同知陳世鎮署黃平州知州陳世鑑祠於四川筠連縣本籍○又

敕建貴州都勦協副將謚威毅周學桂祠於貴州及其

本籍○又

敕建代理直隸清豐縣知縣王懷清祠於四川本籍及

殉難地方。○又奏准捐建山東濰縣團長截取
知縣亓祈年祠於該縣殉難地方。○又奏准捐
建山東濰縣團長知府陳介眉訓導陳威鳳祠
於該縣各殉難地方。○又

敕建山東登州鎮水師遊擊陳其恕祠於膠州。○又議
准捐建署四川榮昌縣知縣李肇基署安縣知
縣張香海署江油縣知縣李東彰明縣知縣麟
勳等祠於各本籍及被害地方。○又奏准捐建
雲貴總督諡文僖羅統典閑泰縣知縣陶履誠
鎮遠營遊擊保山知縣蹇謗平總池蓮培下江

營遊擊祥福各祠於貴州遵義府。○又奏准捐
建署福建浦城縣知縣韓灝浦城縣知縣劉芳
雲祠於建寧府及各本籍。○又

敕建參將于殿甲知府竇元灝祠於江蘇邳州。○又
敕建安徽太和縣知縣侯樞臣祠於縣城。

欽定大清會典事例卷四百五十四

禮部

羣祀直省功臣專祠二

同治元年。

敕建陝西輶坪廳通判穆克登布祠於該廳地方。並西鄉縣知縣巴彥善祠於縣城。○又奏准捐建四

川慶符縣知縣武來雨祠於縣城。○又

敕建邵輔等祠於甘肅隴州。○又奏准捐建把總宋華嵩祠於四川邛州。○又

敕建安徽布政使謚武愍李孟羣祠於廬州府。○又奏

准。捐建訓導胡澤順祠於安徽涇縣。○又奏准。
捐建安徽在籍郎中汪念祖祠於休甯縣。○又
奏准。捐建直隸東明縣團總布理問李恆。訓導
崔瓘祠於殉難地方。○又奏准。捐建署山東曹
州鎮總兵官沂州協副將謚勤勇郝上庠。正白
旗漢軍副都統謚果毅舒明安祠於東昌府。
又奏准。捐建署河南宜陽縣知縣謝仁溥典史
齊金誥祠於縣城。○又奏准。捐建河南永城縣
知縣陳灝祠於縣城。○又奏准。捐建直隸大順
廣道劉煦祠於大名府。及其本籍。○又奏准。捐

建四川舉人樊包祠於名山縣本籍。○又奏准。
捐建記名副都統德克登額署湖北孝感縣知
縣韓體震祠於縣城及各旗籍。○又奏准。捐建
副將馬定國祠於四川萬縣本籍。○又奏准。捐
建協領巴彥克善祠於河南。○又奏准。捐建湖
北來鳳縣知縣王頌三祠於縣城及其本籍。
又奏准。捐建參將徐明德祠於陝西。○又奏准。
捐建杭州將軍謚忠壯瑞昌浙江巡撫謚壯愍
王有齡浙江提督謚莊勇饒廷選處州鎮總兵
官謚果毅文瑞署漳州鎮總兵官謚愍烈繼興

廣西提督謚忠壯張玉良副將謚壯勇楊金榜
祠於浙江各殉難地方。○又奏准捐建直隸長
垣縣團長衛千總呂蘭昌等祠並直隸州州判
李卜昌等祠於各該本籍。○又

敕建署浙江紹興府知府廖宗元祠於府城。○又奏准
捐建陝西渭南縣知縣曹士鶴祠於縣城。○又
奏准捐建陝西山陽縣知縣恆椿訓導崔登鼇
祠於縣城。○又奏准捐建署河南閑鄉縣知縣
王其昌典史程世濟祠於縣城。○又奏准捐建
協領圖克唐阿訥勒和春祠於陝西六郎堡。

又奏准。捐建浙江鹽運使莊煥文祠於福建泉州府本籍。及殉難地方。○又奏准。捐建湖北鄖西縣知縣梁懋齡守備柴文玉教諭蔡以儲祠於縣城。及各本籍。○又奏准。捐建道員楊楚巖副將吳通才祠於貴州石阡府。及各本籍。○二年。

敕建候選知府謚靖毅曾貞幹祠於湖南本籍。及金陵殉難地方。○又

敕建乍浦副都統謚果毅傑純祠於杭州乍浦。○又敕建湖北漢黃德道謚忠介王壽同祠於湖北。○又奏

准捐建陝西興安府知府林映棠安康縣知縣
吳靖。軒坪通判馬駕。黎遊擊趙濟川都司張夢
銀祠於陝西。○又

敕建甘肅即補參將張悅署守備年啟榮祠於固原。○
又奏准捐建安徽祁門縣知縣唐治祠於縣城。
○又奏准捐建安徽舒城縣監生韋斌等祠於
縣城。○又奏准捐建乍浦副都統謚武烈錫齡
阿祠於湖北荊州府。○又奏准捐建甘肅秦州
知州謚剛烈托克清阿祠於州城及本旗地方。
○又奏准捐建總兵官謚勇烈熊建益祠於浙

江富陽縣。○又奏准。捐建浙江訓導孫鳳翔祠於歸安縣。○又奏准。捐建安徽涇縣八品軍功朱偉孫文生朱環如等祠於本籍殉難地方。

又

敕建浙江湖州府知府瑞春祠於府城。○又奏准。捐建湖北荊門州知州謚剛介李振安陸府知府謚果毅金雲門祠於湖北及各本籍。○又奏准。捐建翰林院庶吉士邢景周祠於陝西殉難地方。○又奏准。捐建漕運總督謚端敏袁甲三祠於河南陳州府暨安徽臨淮並江蘇淮安府。○又

奏准。捐建署甘肅慶陽府知府和葵花翎遊擊任治國祠於甘肅殉難地方。○又

敕建浙江在籍布政使銜督糧道謚忠節趙景賢祠於湖州。○又奏准。捐建都司李棉兆張時雨祠於江西陣亡地方。○又

敕建記名總兵官水師營官賴榮光祠於江蘇殉難地方。○又

敕建署大順廣道謚剛烈秦聚奎祠於三河鎮。及其本籍。○又奏准。捐建山東嶧縣知縣張振榮祠於山東。及其本籍。○又奏准。捐建山西河東道張

錫蕃祠於垣曲縣。○又奏准。捐建總兵官朱希
廣陝西漢中鎮總兵官諡武毅趙旣發祠於陝
西。○又

敕建署廣西提督前貴州巡撫諡誠恪江忠義祠於江
西省城安徽青陽縣。及其本籍。○又奏准。道員
屈蟠把總劉步瀛俱入祀江西廣信府羅澤南
等專祠。○又

敕建安徽巡撫諡勇毅李續宜祠於安徽省城及湖南
湖北各立功地方。○又奏准。捐建直隸高邑縣
知縣畢世榕祠於直隸殉難地方。及其本籍。○

又奏准。捐建署廣東碣石通判許鍾身祠於歸善縣。及其本籍。○三年。

敕建署貴州龍里縣知縣余守鍾祠於縣城。○又奏准。捐建原任湖南衡永郴桂道謚文節俞焜祠於

浙江。○又

敕建總兵官何安泰祠於浙江嘉興府。○又奏准。捐建江蘇巡撫謚莊愍徐有壬祠於蘇州。○又

敕建江西南贛鎮總兵官謚忠烈程學啟祠於安慶蘇州嘉興各府城。○又奏准。捐建浙江山陰縣附生朱之琳道員田祥祠於縣城。○又奏准。捐建

江蘇紳士朱鎮屏等祠於海州本籍。又

敕建西安將軍謚忠勇多隆阿祠於陝西等省立功地方。○又議准捐建多隆阿祠於吉林。○又奏准

捐建記名總兵官湖北參將謚威毅石清吉祠於直隸沙河縣本籍及安徽湖北各地方。○又

敕建鑲紅旗護軍統領謚貞恪舒保祠於湖北武昌漢

陽黃州德安襄陽等府城。○又奏准捐建四川

興文縣舉人揀選知縣石文卓祠於縣城。○又

奏准捐建一等子爵河南歸德鎮總兵官謚忠

壯李臣典祠於江西吉安安徽安慶並江甯等

地方。○又奏准。捐建四川提督諡威烈占泰。左營參將文梅盛祠於四川各殉難地方。○又奏准。捐建記名提督諡忠壯蕭河清祠於湖北。及其本籍。○又奏准。捐建總兵官諡武烈江福山。記名提督陳忠德祠於嚴舍各殉難地方。○又奏准。捐建貴州天柱縣知縣方時乾祠於縣城。○又奏准。捐建陝西藍厔縣知縣慶麟咸甯縣知縣傅恩煦祠於各該縣殉難地方。○又奏准。捐建安徽蒙城縣知縣俞澍祠於縣城。○又奏准。捐建佐領慶吉候補防禦驍騎校文楷照磨。

徐棠祠於榆樹臺地方。○又奏准。捐建千總韓鳳飛祠於江西贛州府。○又奏准。捐建道員前署貴州開州知州戴鹿芝祠於貴州。○又奏准。捐建甘肅縣丞王鎮堃祠於太和鎮。○又
敕建都察院左副都御史謚文毅張芾祠於陝西各方。○又奏准。捐建湖北巡撫陶恩培祠於湖北。及其本籍。○又奏准。捐建浙江烏程縣知縣許承岳祠於殉難地方。及其本籍。○又奏准。捐建訓導朱彥昇祠於安徽涇縣。○又奏准。捐建署知州李蔚然祠於貴州定番州。○又

敕建福建按察使張運蘭祠於湖南福建廣東各立功
地方。○又奏准捐建知縣趙人成祠於福建詔
安縣。○又奏准捐建直隸正定縣知縣周灝祠
於縣城。○又奏准捐建副將張萬書知府邵維
新祠於貴州綏陽縣。○四年奏准捐建福建汀
漳龍道謚剛毅徐曉峯祠於漳州府。○又奏准
捐建署貴州廣順州知州候補知縣左茂森祠
於殉難地方。○又

敕建科爾沁博多勒噶台忠親王僧格林沁祠於山東
曹州府。○又奏准捐建江蘇金壇縣知縣李淮

祠於縣城。○又奏准。捐建刑部員外郎孫泰祠於安徽壽州本籍。○又奏准。捐建江蘇溧陽縣知縣謚勇烈尚邵布祠於縣城。○又奏准。捐建領隊大臣謚壯節穆克登額祠於巴燕岱城。○又奏准。捐建署貴州石阡府知府嚴謹都司陳定元等祠於府城。○又奏准。捐建甘肅巴里坤鎮總兵官謚威毅成發祥祠於湖南衡山縣本籍。○又奏准。捐建河南新蔡縣知縣韓承宣祠於縣城。○又奏准。捐建三烈祠於陝西漢中府祀南鄭縣知縣周蕃壽。西鄉縣知縣巴彥善甯

羌州知州金玉麟。○又奏准。捐建國子監典籍
武文培祠於山東泰安縣。○又奏准。捐建四川
陣亡道員黃純熙祠於合州萬古場。○又奏准。
捐建總兵官羅應貴祠於河南殉難地方。及其
本籍。○五年奏准。捐建山東文生孔繼桓武生
孔廣照七品執事官孔昭璇等祠於曲阜縣城
○又奏准。捐建代理廣東佛岡同知羅才綸祠
於福建崇安縣本籍。○又奏准。捐建前署廣西
龍英州州同李懋莘祠於湖北監利縣本籍。
又奏准。捐建遊擊鄒朝元祠於四川本籍。○又

奏准。捐建安徽訓導潘璞祠於廬江縣本籍。○
又奏准。捐建奉天昌圖廳同知海盛祠於該廳
地方。○又奏准。捐建署雲貴總督謚忠毅潘鐸
祠於雲南。○又奏准。捐建安徽潁上縣教諭王
福永祠於廬州府。○又奏准。捐建奉天興京廳
通判劉景醇防禦殷德春祠於該廳地方。○又
奏准。捐建記名總兵官謚剛烈夏金標祠於安
徽廬江縣。○又奏准。捐建江蘇丹陽縣知縣方
濬泰祠於縣城。○又奏准。捐建貴州荔波縣知
縣彭培垣祠於縣城。○又奏准。捐建四川高縣

知縣丁良俊祠於縣城。○又奏准。捐建廣東潮州鎮標遊擊英秀祠於嘉應州。○又奏准。捐建福建臺灣道謚剛介孔昭慈祠於臺灣府。○又奏准。捐建署漕運總督江甯布政使王夢齡祠於江南徐州府。○又奏准。捐建四川隆昌縣知縣肅慶祠於縣城。○又奏准。捐建江蘇元和縣知縣劉同纓祠於江甯省城。○又奏准。捐建貴州台拱衛千總署八分汎遊擊譚應隆祠於殉難地方。○又奏准。捐建三忠祠於金山祀總兵官黃萬友。遊擊崑祿副將譚聯陞。○又奏准。捐

建湖北武昌縣知縣王恩綬祠於江蘇無錫縣
本籍。○又奏准。捐建直隸臨洺關同知周憲曾
祠於殉難地方。及其本籍。○六年奏准。捐建廣
西右江鎮總兵官謚勇烈張樹珊祠於安徽廬
州本籍。及立功地方。○又奏准。捐建福建汀漳
龍道謚忠壯彭毓橘祠於湖南本籍。及立功地
方。○又奏准。捐建直隸樂城縣知縣唐盛祠於
北關。○又奏准。捐建署江蘇南匯縣知縣章惠
祠於縣城。○又奏准。捐建署貴州提督謚剛節
趙德光祠於省城。及其本籍。○又奏准。捐建貴

州古州鎮總兵官謚壯恪桂林祠於古州。○又奏准。捐建提督邊曉堂祠於貴州思南府。○又奏准。捐建署河南祥河廳同知王仁福祠於殉難地方。○又奏准。捐建署江蘇婁縣知縣卞乃繩祠於松江府。○又議准。捐建福建臺灣道洪毓琛祠於臺灣府。○又議准。捐建甘肅涼州鎮總兵官馮標祠於本籍。○又奏准。捐建湖北崇陽縣知縣師長治祠於陝西本籍。○又奏准。捐建副將葉有貴遊擊宋朝陽都司張斗陳冬林守備陳玉春把總周雙六戴文元李文祥等祠。

於貴州安順府。○又奏准。捐建副將賀國輝王東琳祠於湖南新甯縣。○又奏准。捐建湖北道員彭毓相祠於殉難地方。及其本籍。○又

敕建札薩克親王伯錫爾祠於哈密。○七年奏准。捐建記名提督曹仁善吳崇國總兵官謝連升副將郭芳鈐祠於湖南本籍。及湖北殉難地方。○又敕建協辦大學士四川總督諡文忠駱秉章祠於四川

湖南等省地方。○又奏准。捐建浙江石門縣知縣李崇謨祠於殉難地方。及其本籍。○又奏准。捐建記名提督廣西右江鎮總兵官諡忠壯唐

殿魁祠於江蘇湖北。及其本籍。○又奏准。捐建廣東惠潮嘉道鳳安祠於潮州府。○又奏准。捐建總兵官文星明。劉文華等祠於陝西延安府。○又議准。捐建署浙江仁和縣典史林汝霖祠於浙江。○又

敕建湖南提督謚忠勤楊鼎勳祠於江蘇福建山東各立功地方。○又奏准。捐建參將胡鳳鳴等祠於浙江永康縣本籍。○又奏准。捐建記名提督謚武烈胡良作祠於湖南本籍。記名提督謚勇烈陳振邦祠於江蘇清河縣寄籍。○又奏准。捐建

安徽鳳臺縣知縣孟煊祠於全椒縣。○又奏准。
捐建在籍內閣中書馬釗祠於江蘇本籍。○又
奏准。捐建山西垣曲縣知縣王國寶都司劉國
治典史王覃祠於縣城。○又奏准。捐建署四川
新甯縣知縣國澍祠於縣城及京口旗籍。○又
奏准。捐建江蘇附貢生史良祠於本籍殉難地
方。○又奏准。捐建湖北襄陽府同知王本立祠
於河南本籍。○又奏准。捐建廣東從化縣知縣
諡剛烈李福培祠於縣城及其本籍。○又奏准。
捐建參將吳洪貴祠於貴州甕安縣。○又奏准。

捐建安徽霍邱縣監生李友張等祠於本籍。○
又奏准。捐建山東東阿縣知縣周毓相祠於縣
城。○又奏准。捐建升用提督謚武壯李大有提
督銜總兵官謚勇烈翟春壽提督謚武壯譚玉
龍祠於廣東三水縣。○又奏准。捐建湖北德安
府知府易容之祠於湖北。護理壽春鎮總兵官
遊擊謚勇烈何朝亮祠於安徽廬州府。○又奏
准。捐建江蘇候補知府于醇儒祠於常州府。及
其本籍。○又奏准。捐建山東信陽縣團長王兆
蘭等祠於縣屬之流波鴈莊。○又奏准。捐建湖

北竹山守備周祿祠於安徽天長縣本籍。○又奏准捐建副將劉朝煦祠於安徽廬州府。○八年。

敕建甘肅提督謚勇烈高連陞祠於廣西浙江福建廣東陝西等省及其本籍。○又奏准捐建浙江處州鎮總兵官謚武毅馬德順祠於河南洛陽縣本籍。○又奏准捐建副將周盛武遊擊周盛華擬保總兵銜副將周行發祠於安徽廬州府本籍。○又奏准捐建副都統謚武毅烏勒西布祠於甘肅甯夏府。○又奏准捐建署浙江鹽運使

金衛嚴道謚武烈。繆梓祠於杭州。及其本籍。○又奏准。捐建在籍翰林院編修王鳳翔祠於陝西郃陽縣。○又奏准。捐建山東館陶縣教諭陳貫城祠於臨邑縣本籍。○又奏准。捐建廣東乳源縣知縣冒芬祠於縣城。○又奏准。捐建河南涉縣知縣李毓珍祠於縣城。及其本籍。○又奏准。捐建記名按察使謚忠壯黃潤昌道員謚壯毅鄧子元。記名提督謚果壯劉長槐祠於貴州殉難地方。及各本籍。○又奏准。捐建河南歸德鎮總兵官謚勤勇朱南桂祠於湖南本籍。○又

奏准。捐建湖北麻城縣知縣姚國振祠於縣城。及其本籍。○又奏准。捐建直隸獻縣知縣熊存瀚祠於縣城。○又奏准。捐建翰林院編修謚文節張洵祠於浙江本籍。○又奏准。記名總兵官鄧鴻超入祀貴州甕安縣吳洪貴祠。○又奏准。捐建甘肅平涼縣教諭王汝揆祠於伏羌縣本籍。○又奏准。捐建安徽涇縣紳士朱文鑾等祠於縣城。○又奏准。捐建甘肅提督謚壯節易德麟祠於湖南本籍。及甘肅靈州。○又奏准。捐建總兵官謚武愍江忠珀祠於貴州。○又奏准。捐

建提督榮維善祠於貴州。及湖南沅州府。○又議准。捐建浙江巡撫謚壯節羅遵殿署布政使謚貞介王友端祠於杭州。○又議准。捐建安徽巡撫謚文勤翁同書祠於江南揚州府。○又奏准。捐建湖北糧道謚勇烈徐豐玉祠於安徽桐城縣。○又議准。捐建署貴州印江縣知縣鄧凌雲祠於縣城。○又議准。捐建記名提督謚壯烈李佑厚祠於陝西。○又奏准。近時各省請建專祠。有稱在城外者。有稱在城內者。有稱為閒地者。有稱改民房者。辦理未能盡一。嗣後凡建立

各祠無論官建民捐均應選擇閒曠空地如式
蓋造不得侵占民居其志乘所載古蹟及從前
聖賢祠墓仍隨時防護不得改毀庶崇德報功
兩無妨礙○九年奏准捐建廣東陸路提督謚
忠壯劉松山祠於陝甘等省立功地方○又奏
准捐建貴州荔波縣知縣魏承祝署湖南安仁
縣教諭吳棠祠於湖南○又奏准捐建提督謚
果壯楊春祥祠於甘肅甯夏府及其本籍○又
奏准捐建陝西定邊縣知縣李廷獻署安定縣
知縣陸均祠於各該縣殉難地方○又奏准捐

建知府銜候選同知直隸州韓國正祠於湖南
湘陰縣本籍。○又奏准。捐建署浙江黃巖鎮總
兵官謚勇烈陳紹祠於黃巖縣。及其本籍。○又
奏准。捐建湖北鹽法道謚文直王東槐祠於山
東本籍。○又奏准。捐建湖北漢黃德道謚勇節
張汝瀛祠於田家鎮殉難地方。及其本籍。○又
奏准。捐建山東高唐州吏目張灼祠於陝西本
籍。○又奏准。捐建內閣中書鍾淮祠於江南瓜
洲。○又奏准。捐建湖北武昌縣知縣何開泰祠
於湖北殉難地方。○又奏准。捐建浙江候補知

縣楊炳春祠於江蘇本籍。○又奏准。捐建甘肅安肅道恆齡祠於肅州。○又奏准。捐建總兵官姚華萃祠於貴州。○又奏准。捐建藍翎千總陳景山祠於安徽蒙城縣。○又奏准。捐建記名提督程廣和祠於本籍。○又奏准。捐建署貴州都勦府知府謚威恪黃德裕祠於府城。及其本籍。○又奏准。捐建在籍縣丞銜王全福祠於江蘇丹徒縣。○又奏准。捐建署江蘇江浦縣知縣曾勉禮祠於縣城。○又奏准。捐建兩江總督謚端敏馬新貽祠於江甯安徽各省城。○又奏准。捐

建署河南下北河同知陳繼業祠於祥河地方。
○十年議准合建湖廣總督謚文節吳文鎔湖
北巡撫謚文節陶恩培按察使謚端節瑞元安
陸府知府謚果毅金雲門浙江甯紹台道謚忠
節羅澤南鄖陽鎮總兵官謚壯節王錦繡貴州
安義鎮總兵官謚剛介王國才河南河北鎮總
兵官謚剛節常祿安徽布政使謚勤壯劉裕鎊
江蘇候補道謚壯勇溫紹原湖北按察使謚威
恪唐樹義漢陽府知府董振鐸俞舜欽襄陽府
知府謚忠壯多山署江夏縣知縣繡麟署漢陽

營遊擊李信等祠於湖北省城。○又奏准。大學士湖廣總督謚文恭官文與湖北巡撫謚文忠胡林翼合祠。列入湖北祀典。○又奏准。捐建候選縣丞馮義誠祠於湖南湘潭縣本籍。○又奏准。捐建江西道員謚文毅帥遠擇祠於東鄉縣及其本籍。○又奏准。捐建湖南綏甯縣知縣吳熊祠於縣城及其本籍。○又奏准。捐建江西吉安府知府陳宗元祠於江蘇吳江縣原籍。○又奏准。捐建湖北宜昌府通判沈耀鳌祠於江蘇常州府本籍。○又奏准。捐建署甘肅合水縣知

縣楊炳華祠於江蘇溧陽縣本籍。○又奏准。捐建安徽涇縣監生朱宗忭等祠於本籍。○又奏准。捐建都司唐廷揚等祠於四川榮昌縣。○又奏准。捐建總兵官賈蕙山。汪德才祠於各本籍。

○十一年

敕建大學士兩江總督毅勇侯謚文正曾國藩祠於湖南本籍。及江甯。湖北。安徽各省城。○又奏准。捐建光祿寺署正銜盛家琳祠於江蘇南匯縣本籍。○又奏准。捐建安徽知州署蒙城縣知縣蘇履中祠於縣城。○又奏准。捐建雲南楚雄協副

將謚勇介蔡應龍祠於江西樂平縣本籍。○又奏准。捐建甘肅涼州鎮總兵官傅先宗廣東高州鎮總兵官徐文秀祠於殉難地方。○又奏准。捐建記名總兵官貴州清平協副將謚壯慤吳秀祠於山西本籍及殉難地方。○又奏准。合建記名提督謚武愍文德盛提督謚武愍字文秀祠於貴州興義府新城兩處。○又奏准。合建湖南巡撫張亮基署雲貴總督謚忠毅潘鐸祠於湖南省城。○並

命與駱秉章共祀一祠。○又奏准。捐建河南知府謚誠

毅顏懷忠祠於鹿邑縣。及其本籍。○又奏准。捐建雲南補用道周之珪副將李廷標祠於館邑地方。○又奏准。捐建從九品陳良臣祠於湖北漢陽縣本籍。○又奏准。捐建江蘇道員姚丙禧私於浙江本籍。○又奏准。捐建安徽無為州文生萬彬雅等祠於本籍。○十二年議准。明臣張國維專祠列入蘇州祀典。春秋致祭。○又奏准。捐建湖北道員諡壯節周康祿祠於貴州興義府新城。及湖南本籍。○又奏准。捐建雲南楚雄協副將魁昌祠於緬甯廳。○又奏准。捐建雲貴

總督謚文毅勞崇光祠於貴州。○又奏准原任
直隸總督謚恭勤慶祺附祀天津科爾沁博多
勒噶台忠親王僧格林沁祠列入祀典春秋致
祭。○又議准捐建甘肅甯夏道侯雲登祠於甯
夏府城及其本籍。○又奏准捐建署陝西定遠
廳同知祁兌祠於甘肅隴西縣。○又奏准捐建
知府董貽清祠於四川。○又奏准捐建署雲南
提督騰越鎮總兵謚武烈褚克昌祠於雲南。○
又奏准捐建布政司經歷鮑厚軒從九品孫頤
祠於安徽舒城縣。○又奏准捐建福建延建邵

道周開錫祠於甘肅鞏昌秦州。○十三年奏准。
翰林院編修吳嘉賓祠列入江西南豐縣祀典。
○又奏准。捐建補用副將岑寬德祠於廣西西
林縣本籍。○又奏准。捐建浙江處州府知府李
希郊祠於府城。○又奏准。合建雲南景東廳同
知鄭自燿署景蒙營遊擊特通阿祠於景東廳。
○又奏准。捐建道員前署四川茂州知州彭山
縣知縣蹇閭祠於四川及其本籍。○又奏准。捐
建貴州巡撫蔣霨遠祠於省城。○又奏准。捐建
署安徽徽甯道福咸祠於宣城縣。○又奏准。捐

建雲南迤西道林廷禧知縣毛玉成遊擊懷唐
阿祠於大理府。○又奏准。捐建署陝甘總督謚
文忠沈兆霖祠於甘肅平番縣。○又奏准。捐建
烏魯木齊都統謚忠壯平瑞古城領隊大臣謚
壯節惠慶署烏魯木齊都統謚桓靖保恒祠於
古城。○光緒元年

諭沈葆楨等奏請將明室遺臣賜謚建祠一摺。前明
故藩朱成功。曾於康熙年間奉

旨准在南安地方建祠。茲據奏稱該故藩仗節守義忠
烈昭然。遇有水旱祈禱輒應。尤屬有功臺郡。著照

所請准於臺灣府城建立專祠並予追謚以順輿情○又奏准捐建浙江溫州右營遊擊謚勇烈王開俊祠於臺南○又奏准捐建署甘肅貴德廳同知謚勤愍承順祠於廳城○又奏准捐建升任廣東巡撫前浙江布政使謚果敏蔣益澧祠於杭州○又奏准捐建戶部員外郎郭濬祠於陝西富平縣本籍○又奏准捐建湖北襄陽府知府謚忠壯多山祠於武昌○又奏准捐建前護江蘇巡撫布政使劉郇膏祠於上海○又奏准捐建原任河東河道總督謚勤恪喬松年祠

於安徽臨淮鄉。○又奏准。捐建福建巡撫謚文勤王凱泰祠於省城及臺灣府。○又奏准。捐建江浙因公淹斃委員蒯光烈等祠於上海天津地方。○二年奏准。捐建雲南嵩義縣知縣彭峴祠於縣城。○又奏准。捐建前署安徽巡撫布政使賈臻祠於潁州府。○又奏准。捐建浙江仁和縣知縣李福謙祠於杭州。○又奏准。捐建湖北安陸縣知縣萬成祠於縣城。○又奏准。捐建湖北大冶縣知縣倪應頤祠於縣城。○又奏准。捐建前陝西巡撫劉蓉祠於西安。○又奏准。捐建

河南巡撫謚敏肅錢鼎銘祠於江蘇太倉州本籍。○又奏准。捐建奉天三賢祠祀大學士謚文忠文祥署將軍謚文勤崇實原任將軍謚清慤都興阿以記名提督劉景芳附祀。○又奏准。捐建原任大學士前浙江巡撫謚文達阮元祠於杭州。○又奏准。捐建署浙江仁和縣知縣吳保豐祠於杭州。○又奏准。捐建安徽六安州文童晁胎評祠於本籍。○三年奏准。捐建從九品銜陳文熙等祠於廣東。○又奏准。捐建貴州巡撫謚文誠曾璧光祠於省城及其本籍。○又奏准。

捐建江南福山鎮總兵官謚剛勇陳勝元祠於廣西太平府。○又奏准。捐建鴻臚寺少卿孫日萱太平府教授楊大容祠於安徽休甯縣本籍。○又奏准。捐建四川總督謚勤惠吳棠祠於江南清淮徐州府。○又奏准。捐建前署福建延建邵道袁績懋祠於江蘇常州府本籍。及福建殉難地方。○又奏准。河南河北鎮總兵官謚威毅余際昌祠列入湖北穀城縣祀典。○又奏准。捐建前署甘肅瑪納斯協副將濟木薩營參將德祥祠於甘肅殉難地方。○又奏准。捐建貴州提

督謚壯肅孝順祠於省城。○又奏准捐建前兵
部右侍郎黃琮祠於雲南省城。○又奏准捐建
江蘇蘇州府知府朱鈞祠於省城。○四年奏准
捐建烏魯木齊都統前安徽巡撫謚累敏英翰
祠於安徽。○又奏准捐建原任廣西巡撫謚壯
節鄒鳴鶴祠於江甯本籍及殉難地方。○又奏
准捐建陝西延綏鎮總兵官劉厚基祠於榆林
府及其本籍。○又奏准捐建福建陸路提督江
長貴祠於安徽及其本籍。○又奏准捐建前馬
蘭鎮總兵兼總管內務府大臣謚誠靖文謙祠

於直隸天津縣。○又奏准。捐建浙江杭州東防
同知徐樹楠祠於省城。○又奏准。捐建前署福
建陸路提督福甯鎮總兵官謚剛愍林文察祠
於漳州。○五年奏准。捐建前署貴州巡撫謚果
靖韓超祠於省城。○又奏准。捐建署貴州清江
通判余宗惇祠於清江。○又奏准。捐建知府鄒
鍾泗祠於貴州鎮遠府本籍。○又奏准。捐建前
浙江布政司照磨張伯笏祠於杭州。○又奏准。
捐建前幫辦陝甘軍務通政使司通政使謚果
敏劉典祠於安徽江西福建浙江甘肅各省及

其本籍。○又奏准。捐建前陝西候補知府陳燮
塋祠於四川綦江縣。○又奏准。捐建湖北羅田
縣知縣彭仲芳祠於縣城。○又奏准。捐建甘肅
提督署陝西漢中鎮總兵官李輝武祠於漢中
府及寶雞縣。○又奏准。捐建記名按察使黃鼎
祠於陝西。○又奏准。捐建原任塔爾巴哈台參
贊大臣謚威毅武隆額。謚武烈錫霖原任領隊
大臣謚節愍博爾果素等祠於塔城。○又奏准。
捐建吏部主事前河南道監察御史吳可讀祠
於順天薊州馬仲橋。○又奏准。捐建貴州開州

知州石虎臣祠於州城。及其本籍。○又

諭。武肅親王以開國元勳。建策督師。屢平番部。順治三年率師西征。削平蜀寇。西充一役。斬張獻忠於陣。尤為奇功卓著。該處士民至今感慕不忘。著准其於四川西充縣地方建立專祠。列入祀典。由地方官春秋致祭。以順輿情。欽此。○遵

旨建武肅親王豪格祠於四川西充縣。○又奏准。捐建浙江提督謚忠武鄧紹良祠於宣城縣灣沚地方。○又奏准。捐建兩江總督謚文肅沈葆楨祠於江南江西立功地方。及其本籍。○六年奏

准。捐建副將李培椿祠於四川馬邊廳。○又奏准。捐建前陝西巡撫曾望顏祠於西安。○又奏准。捐建典史吳培等祠於浙江。○又奏准。捐建直隸按察使丁壽昌祠於天津。○又奏准。捐建陝西蒲城縣知縣黃傳紳祠於縣城。○又奏准。捐建直隸提督蓋武壯郭松林祠於江蘇福建山東立功地方。及其本籍。○又奏准。捐建前署江蘇豐縣知縣張志周祠於縣城。○又奏准。捐建漕運總督文彬祠於江南清江浦。○七年奏准。捐建前甘肅甘涼道李鶴章祠於安徽江蘇。

浙江立功各地方。及其本籍。○又奏准。捐建安徽定遠府職員武達卿祠於本籍。○又奏准。捐建貴州提督張文德祠於省城。○又奏准。捐建候選訓導彭兆梨副將吳蓋臣祠於浙江海甯州。○八年奏准。捐建順天府府尹李朝儀祠於固安縣。○又奏准。捐建安徽監生王純臣祠於廬江縣。○又奏准。捐建大學士謚文端倭仁祠於河南。○又

諭。李鴻章奏前因怡賢親王創修水利。功德及民。天津地方曾為建立祠宇。迄今年久荒廢。紳民追慕。

不忘於廣仁堂恭設神牌。以正室為王祠宇。歲時祭祀。呈請頒發扁額等語。著南書房翰林書寫扁額一方。交李鴻章祇領懸挂。以順輿情。○又奏准。捐建原任兩廣鹽運使段起祠於湖南本籍。及立功地方。○又奏准。捐建陝西潼關協副將謚武壯于昌麟。山西澤州營參將谷進昌祠於直隸武強鉅鹿等縣本籍。○又奏准。捐建兩江總督謚文毅陶澍署廣西巡撫謚文忠林則徐祠於江甯。○又奏准。捐建江蘇狼山鎮總兵官王吉祠。春秋致祭。○又奏准。捐建江蘇巡撫謚文

肅黎培敬祠於貴州。○又奏准。捐建道員唐霈
霖祠於陝西鳳翔縣。○九年奏准。捐建記名提
督丁德昌祠於直隸滄州。○又奏准。捐建直隸
天津河間道吳毓蘭祠於江南揚州府。○又奏
准。捐建開復總兵官陳國瑞祠於山東立功地
方。○又奏准。捐建前署四川提督莫祖紳祠於
四川。○是年

諭各直省建立專祠。係屬曠典。應候特旨加恩嗣後
不得擅行奏請。○十年。

敕建廣東水師提督謚武壯吳長慶祠於江蘇浙江

山東直隸河南各立功地方。○又奏准。通州西倉監督內閣中書覺羅貴倫戶部主事玉潤專祠列入祀典。春秋致祭。○十一年奏准。捐建原任吉林將軍謚威勤富明阿祠於吉林。○又奏准。捐建兩廣總督謚靖達張樹聲祠於直隸江蘇立功地方。○又

敕建署湖南提督謚武壯周盛傳祠於安徽原籍。及立功地方。○又奏准。捐建福建建甯鎮總兵官謚剛勇張得勝祠於福建。○又

敕建贈太傅大學士二等侯謚文襄左宗棠祠於湖

南原籍。及立功省分。○十二年奏准。捐建四川
總督謚文誠丁寶楨祠於山東省城。○又
敕建一等子爵前湖南提督謚忠壯鮑超祠於四川
本籍。及湖南江西安徽江蘇各立功地方。○又
奏准。捐建前湖北提督謚壯勇羅思舉祠於江
西東鄉縣本籍。○又奏准。捐建江蘇紳士道員
潘曾瑋祠於吳縣本籍。○又奏准。捐建大學士
謚文達文煜祠於江南揚州府。○又奏准。捐建
伊犁將軍謚忠介全順祠於陝甘等省立功地
方。○十三年奏准。捐建前廣東高州鎮總兵官

謚武愍楊玉科祠於雲南大理府及廣西鎮南
關。